

ԱՐՁԱՆԱԳՐՈՒԹՅՈՒՆ N 21-22-01

«ՀԱՅԱՍՏԱՆԻ ՖՈՒՏԲՈՒԼԻ ՖԵԴԵՐԱՑԻԱ» ՀԱՄԱՐԱԿԱԿԱՆ
ԿԱԶՄԱԿԵՐՊՈՒԹՅԱՆ
ԿԱՐԳԱՊԱՀԱԿԱՆ ԵՎ ԷԹԻԿԱՅԻ ԿՈՄԻՏԵԻ ՆԻՍՏԻ

«Հայաստանի Ֆուտբոլի Ֆեդերացիա» հասարակական կազմակերպության (այսուհետ՝ ՀՖՖ) Կարգապահական և էթիկայի կոմիտեի նիստը (այսուհետ՝ նիստ) կայացավ 2021թ. օգոստոսի 14-ին, ՀՀ, ք. Երևան, Խանջյան 27 հասցեում:

ՀՖՖ Կարգապահական և էթիկայի կոմիտեի (այսուհետ՝ Կոմիտե).

Նիստին մասնակցում էին՝

Կարեն Հովհաննիսյան – Կոմիտեի նախագահ՝

Ռուբեն Սինոյան- Կոմիտեի փոխնախագահ՝

Բաբկեն Ղալոյան- Կոմիտեի անդամ

Արման Ալաբերքյան- Կոմիտեի անդամ

Հայկուհի Ռշտունի- Կոմիտեի անդամ, Կոմիտեի քարտուղար

Կոմիտեի նիստն անցկացնելու համար պահանջվող քվորումն ապահովված էր:

Կոմիտեի նախագահը ներկայացրեց Կոմիտեի նիստի օրակարգում ընդգրկված՝ ներքոնշյալ հարցերը, նիստն արձանագրում էր Կոմիտեի անդամ/քարտուղար Հ. Ռշտունին:

ՕՐԱԿԱՐԳ

ՀԱՐՑ 1

02/08/2021թ. «Արարատ»-«Նոա» (ՊԼ003) խաղին՝ «Նոա» թիմի ֆուտբոլիստ Միխայիլ Կովալենկոյի (N 34482) հեռացման մասին (մրցավարի հասցեին վիրավորական արտահայտություններ անելու համար):

ՈՐՈՇՈՒՄ 1

Կոմիտեն՝ ղեկավարվելով ՀՖՖ Կարգապահական և էթիկայի կանոնակարգի (ԿԷԿ 2020-21 խմբագրություն. կիրառելի է մինչև 05.08.2021թ.) 3.03, 4.01, 13-րդ և 33-րդ հոդվածի 39-րդ կետով՝ 5 կողմ և 0 դեմ ձայներով որոշեց՝

«Նոա» թիմի ֆուտբոլիստ Միխայիլ Կովալենկոյին որակազրկել մինչև 31.08.2021թ. և «Նոա» ՖԱ ՀԿ ակումբի նկատմամբ նշանակել տուգանք 30000 ՀՀ դրամի չափով:

ՀԱՐՑ 2

01/08/2021թ. «Ալաշկերտ»-«Արարատ-Արմենիա» (ՊԼ004) խաղի մասին.

1. Ալաշկերտ ՖԱ-ի մարզիչը ֆլեշ հարցազրույցին ներկայացել է առանց թարգմանչի, իսկ ֆուտբոլիստ ընդհանրապես չի ներկայացել ֆլեշ հարցազրույցի: 2. Խաղը անցկացվել է ոչ ՀՖՖ-ի կողմից տրամադրված գնդակով:

ՈՐՈՇՈՒՄ 2

Կոմիտեն՝ ղեկավարվելով ՀՖՖ Կարգապահական և Էթիկայի կանոնակարգի (ԿԷԿ 2020-21 խմբագրություն. կիրառելի է մինչև 05.08.2021թ.) 3.03, 4.01, 13-րդ և 33-րդ հոդվածի 66-րդ կետով՝ 5 կողմ և 0 դեմ ձայներով որոշեց՝

«Ալաշկերտ» ՖԱ ակումբին հայտարարել նկատողություն և նշանակել տուգանք 30000 ՀՀ դրամի չափով:

ՀԱՐՑ 3

- 06/08/2021թ. «Նորավանք»-«Փյունիկ» (ՊԼ006) խաղի մասին. 1.
Խաղի 40-րդ րոպեին Փյունիկ ՖԱ-ն կիրառել է նկարահանող անօդաչու թռչող սարք, որի օգտագործումը նախախաղային ժողովի ժամանակ չէր քննարկվել:
Զգուշացնելուց հետո սարքը իջեցվել է:
2. Խաղադաշտում տեղադրված էին առաջնության գլխավոր հովանավորի վահանակները, բայց ոչ պատշաճ, քանի որ դրանք 2020-2021 մրցաշրջանի համար նախատեսված վահանակներն էին:

ՈՐՈՇՈՒՄ 3.1

Կոմիտեն՝ ղեկավարվելով ՀՖՖ Կարգապահական և Էթիկայի կանոնակարգի 3-րդ հոդվածով, 4-րդ հոդվածի 4.01, 4.02 կետերով, 5-րդ հոդվածի 5.01 կետով, 20-րդ հոդվածով, 21-րդ հոդվածի 21.04 կետով, 28-րդ հոդվածի 28.01 կետով և 40-րդ հոդվածի 81-րդ կետով՝ 5 կողմ և 0 դեմ ձայներով որոշեց՝

«Փյունիկ» ՖԱ ՀԿ ակումբին հայտարարել նկատողություն:

Նկատողություն է համարվում Կարգապահական և Էթիկայի կոմիտեի կողմից ընդունված և հրապարակված որոշումը, որի չկատարումը հետագայում հանգեցնելու է ավելի խիստ պատժամիջոցների կիրառման:

ՈՐՈՇՈՒՄ 3.2

Կոմիտեն՝ ղեկավարվելով ՀՖՖ Կարգապահական և Էթիկայի կանոնակարգի 3-րդ հոդվածով, 4-րդ հոդվածի 4.01, 4.02 կետերով, 5-րդ հոդվածի 5.01 կետով, 20-րդ հոդվածով, 21-րդ հոդվածի 21.04 կետով, 28-րդ հոդվածի 28.01 կետով և 40-րդ հոդվածի 46-րդ կետով՝ 5 կողմ և 0 դեմ ձայներով որոշեց՝

«Նորավանք» ՍՊԸ ակումբին հայտարարել նկատողություն:

Նկատողություն է համարվում Կարգապահական և Էթիկայի կոմիտեի կողմից ընդունված և հրապարակված որոշումը, որի չկատարումը հետագայում հանգեցնելու է ավելի խիստ պատժամիջոցների կիրառման:

ՀԱՐՑ 4

**05/08/21թ. «Փյունիկ Ակադեմիա»-«Լեոնային Արցախ» (ԱԽ002) խաղի մասին.
Խաղի ժամանակահատվածում «Փյունիկ Ակադեմիա» թիմը կատարել է 6 փոփոխություն:**

ՈՐՈՇՈՒՄ 4

Կոմիտեն՝ ղեկավարվելով ՀՖՖ Կարգապահական և Էթիկայի կանոնակարգի 3-րդ հոդվածով, 4-րդ հոդվածի 4.01, 4.02 կետերով, 5-րդ հոդվածի 5.01 կետով, 20-րդ հոդվածով, 21-րդ հոդվածի 21.04 կետով, 28-րդ հոդվածի 28.01 կետով և առաջնորդվելով ՀՖՖ Պրոֆեսիոնալ ֆուտբոլի մրցումների անցկացման կանոնակարգի (2021-22թթ խմբ.) 32-րդ հոդվածի 32.06 կետով՝ 5 կողմ և 0 դեմ ձայներով որոշեց՝

1. «Փյունիկ Ակադեմիա» թիմին գրանցել տեխնիկական պարտություն 0:3 հաշվով:
2. Խաղը սպասարկող անձնակազմի գործողություններին գնահատական տալու համար ՀՖՖ Կարգապահական և Էթիկայի կանոնակարգի 12-րդ հոդվածի 12.04 կետի համաձայն դիմել ՀՖՖ Գլխավոր քարտուղարին՝ հանձնարարելու անցկացնել ծառայողական քննություն կամ ուսումնասիրություն և արդյունքները տրամադրել ՀՖՖ Կարգապահական և Էթիկայի կոմիտեին:

Նախագահ՝

Կարեն Հովհաննիսյան

Փոխնախագահ՝

Ռուբեն Սինոյան

Անդամ և քարտուղար՝

Հայկուհի Ռշտունի

Անդամներ՝

Բարկեն Ղալոյան

Արման Ալաբերդյան

Հիշեցում

1. Հոդված 19. Կարգապահական և էթիկայի կոմիտեի որոշումների բողոքարկումը

Կարգապահական և էթիկայի կոմիտեի որոշումները ֆուտբոլային սուբյեկտների կողմից կարող են բողոքարկվել ՀՖՖ Բողոքարկման կոմիտե՝ որոշման մասին պաշտոնական հրապարակման պահից 7 (յոթ) օրվա ընթացքում, իսկ այդ դեպքում, երբ ֆուտբոլային սուբյեկտը դիմել է գործի հիմքերը ստանալու խնդրանքով՝ բողոքարկման 7-օրյա ժամկետը սկսում է հոսել այդ հիմքերը ստանալու պահից:

2. Հոդված 28. Պատասխանատվության միջոցի կիրառման ընդհանուր սկզբունքները

28.05 Սույն կանոնակարգում ներառված՝ ֆուտբոլիստի և/կամ թիմի անձնակազմի անդամի ստացած դեղին քարտերի հետ կապված որակագրկումները (սույն կանոնակարգի 41-րդ, 45-րդ, 47-րդ և 49-րդ հոդվածների 1-ից 13-րդ կետերը) կիրառվում են առանց ՀՖՖ Կարգապահական և էթիկայի կոմիտեի որոշման:

3. Հոդված 25. Ֆուտբոլիստների, թիմի անձնակազմի և ակումբի պաշտոնյաների պատասխանատվությունը

25.20 Ֆուտբոլիստների, թիմի անձնակազմի, ակումբի պաշտոնյայի սույն կանոնակարգի 41-րդ, 45-րդ, 47-րդ և 49-րդ հոդվածների 1-ից 13-րդ կետերով սահմանված խախտումների հաշվառումը կատարում է համապատասխան ակումբը՝ առանց ՀՖՖ-ի Կարգապահական և էթիկայի կոմիտեի որոշման:

25.21 25.20 կետի պահանջները ակումբի կողմից չպահպանելը հանգեցնում է այդ ակումբի նկատմամբ կարգապահական պատժամիջոցի՝ տեխնիկական պարտություն:

4. Հոդված 44-ի և 45-ի կիրառվող պատժամիջոցների տուգանքները սահմանված են ՀՀ Մ-18-16 առաջնություններին մասնակցող ֆուտբոլիստների համար: Մ-15 և ցածր տարիքային խմբերի առաջնություններին մասնակցող ֆուտբոլիստների տուգանքները և պատժամիջոցները սահմանված են նախորդի 50%-ի չափով: Հոդված 44-ի և 45-ի կիրառվող պատժամիջոցները սահմանվում են նաև ՀՀ Սիրողական ֆուտբոլի առաջնություններին մասնակցող սուբյեկտների համար: